



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Vita B. Matris Teresæ, De lesv Fvndatricis Monasteriorvm
Monialivm & Fr. Carmelitarum discalciatorum ex prima
regula**

Ribera, Francisco de

Moguntiaë, 1603

In Gratiam Lectoris, declaratio supra epistolam lectori in principio
scriptam.

urn:nbn:de:hbz:466:1-43365

IN GRATIAM LECTORIS,
declaratio supra epistolam lectori in
principio scriptam.

REQVISITVS ab aliquibus, candidè le-
ctor, vt clarius quæ superius ad lectorem
scripsi explicarem prætermittere non po-
tui quin eorum satisfaciã petitioni, & primo quo
ad Leonem qui in via ab ipso pigro conspicitur, de-
sumpsi ex cap. 22. Prou. vbi sic legitur. Dicit piger,
Leo foris est, in medio platearum, occidendus
sum. Item Prou. 26. leo in via est, & læna est in
itineribus, quæ ex sententia D. Chryostomi ita in-
telliguntur, vt timeat quis ad exercendas virtutum
actiones in publicum progredi, ne foris à antiqui hostis
aduersitate grauius tætetur, vel à quolibet peruerso
derideatur, conuitijs confundatur, iniurijsq; afficia-
tur, hinc dicit, Leo foris est in medio platearum,
occidendus sum, quasi dicere velit. Si ego virtutũ
opera foris ostendere cœpero, statim persecutio homi-
nũ & spirituum comitatur immundorum: ten-
tationibus eiusmodi ego resistere non valeo, & ideo
multi cum exhortationis verbum audiunt, de dia-
bolo conqueruntur dicentes se velle quidem iustitiæ
viam incipere, sed ne hæc perficere possint, à Satana
impediri, & sic excusationes in peccatis quærunt, &
pruinam timendo, à niue obruuntur, vti legitur Iob
6. Qui timent pruinam, irruet super eos nix,
nam qui hic pœnitentiã agere negligunt, seuerius
postea in æternum punientur, pruina enim ex rore
gelido nascitur, nec fit nisi immoto aëre et sereno, nix
verò aquarum caelestium spuma est, & cum tales ta-
seant & clament ipsorum ossa inueterascunt, hinc
Propheta

Propheta Psalm. 31. Quoniam tacui, non confiten-
do peccatum quo grauata mea erat conscientia, in-
ueterauerunt ossa mea, quæ, cum anime virtutes
per peccatum fracta essent, in fractura & vetustate
perdurando, eo periculosior fractura facta est quo ve-
tustior, quod enim senescit prope interitum est. In-
ueterauerunt itaq; dum per presumptionem & ia-
ctantiam clamarem, & sic sanguis sanguinem te-
tigit. Osee 4. peccatum namq; peccati causa, pon-
derositate enim sua, si aliqui per pœnitentiam non
deleter, mox ad aliud trahit, per sanguinis enim no-
men, peccatum designari solet. Psal. 50. Libera me
de sanguinibus Deus Deus salutis meæ: à quibus
si liberari velis cum ceruo fontem desidera aquarū,
qui spiritu narium serpentes protrahere solet, eosq;
occidere & comedere, ad eorumq; interitum inten-
dere: caligantibus enim oculis ex cauernis serpētem
naribus extrahit & manducat, ad fontem properat
& bibit, cornua proycit & totus renouatur. Itaque
sicuti ceruus hausto veneno ad fontem aquarum ve-
nire desiderat: Ita anima fidelis hausto peccati ve-
neno, per pœnitentiam ad fontem diuine essentia in
confessione sanctissimæ Trinitatis properet & refri-
gerium contra peccatū inueniet. Comparatur enim
vir iustus ceruo propter diuersas eius proprietates,
quæ hisse versibus annotantur.

Clune natans portat, vorat hydros, cornua mutat,
Cor senis effescit, saltat, & sicut & iuuenescit,
Siluester, supidus, Siuax, Velox, sine cauda.
Pes durus fuluusq; pilus, Genatio, fœtus,
Pugnat ob vxores, fusapinguedine squalens,
Surdus deum sibi, bene rectis auribus audit.

Proprietates omnes iam comprehense viro iusto
compe-

competunt, nec non in vita B. Matris Terese inueniuntur Clune enim portat secundum illud Gal. 6. Alter alterius onera portate, idq; natans in hoc spaciofo mari quod est mundus. Iustus hydros vorat, peccata scilicet annihilando secundum illud Osee 4. Peccata populi mei comedent. Cornua mutat Rom. 6. Sicut exhibuistis membra vestra seruire imunditiæ & iniquitati ad iniquitatem, ita nunc exhibete membra vestra seruire iustitiæ in sanctificationem, Cor iusti offescit, quando magis magisq; in bono solidatur. Durum enim erat cor Apostoli quando dixit ad Rom. 8. Certus sum quod neq; mors, neq; vita &c. poterunt nos separare à charitate Christi. Item Gloriamur in tribulationibus Rom. 4. Salit iustus ultra diuitiarum spinas, nec non luxuriæ lutum & foveam Esaiæ 35. Tunc saliet sicut ceruus claudus. Iustus sitit uti superius dictum est, insuper iuuenescit secundum illud ad Ephesios 4. Renouamini spiritu mentis vestrae, Col. 3. expoliantes vos veterem hominem & renouabitur ut aquilæ iuuentustua. Iustus est siluester, in montibus & excelsis habitans Psalm. 102. Montes excelsi ceruis, petra refugium herinacis. Est præterea sapiens Eccl. 49. In omni ore quasi mel indulcabitur memoria eius. Vniuersa, vita enim eius contemplatiua hic incipit & nunquam desinit. Sap. 5. Iusti autem in perpetuum viuent. Volox. Eccl. 31. In omnibus operibus tuis esto velox. Sine cauda, sine operculo scilicet peccatorum per hypocrisim, secundum illud. 1. Pet. 2. Neq; velamentum habentes malitiæ libertatem. Pedem habet durum, i. affectum solidum. Abac. 3. Ponet

Ponet pedes meos quasi ceruorum. *Item pilum habet fuluum, i. carnem pallidam, secundum illud Poeta. Palleat omnis amans, color est hic aptus amanti. Vnde Matth. 3. Iohannes erat vestitus pilis camelorum. Iustus insuper est venatio diaboli & malorum hominum Eccles. 3. Venatio leonis onager in eremo, sic & pasqua diuitum sunt pauperes. Multos habet foetus, i. multa opera bona: quorum matres sunt virtutes, Iud. 8. Habuit Hieroboal septuaginta filios eo quod plures habuit uxores. Pugnat ob uxores pro virtutibus scilicet. Eccles. 4. Pro iustitia agonizare vsq; ad mortem. Iustus fusa pinguedine, i. amissa deuotione squallet. Psalm. 10. Ossa mea sicut cremium aruerunt. Percussus sum vt fenū, & aruit cor meum, quia oblitus sum comedere panem meum. Iustus surdus est, cum aures demittuntur ad temporalia, sed bene audit cum eriguntur. Esaiæ 50. Erigit mane, mane erigit mihi aurem. Item. Audiam quid loquatur in me Dominus. Optime igitur dicit. Quemadmodum desiderat ceruus ad fontes aquarum, ita desiderat anima mea ad te Deus, Proprietates itaque omnes nec non reliqua superius enumerata in vita B. Matris Teresæ (optime lector) inuenies, ex quibus eius anima sitiuit ad Deū fontem à quo omnia bona fluunt, ideo viuum quo nunc satiatur in gloria æterna, ad quam nos perducere dignetur, qui est benedictus per omnia sacula Amen. Bene in Domino vale, & Deum pro me roga.*

Fr. Antonius Kerbekius
Prior indignus.